



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-207/20

Datum: 11.09.2020. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci roba - tonera i ketridža za potrebe Tužilaštva – Tužiteljstva Bosne i Hercegovine, dodjeljuje se ponuđaču **Defter d.o.o. Sarajevo**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Zahtjevu.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-207/20 od 01.06.2020. godine. Javna nabavka je provedena putem konkurentskog postupka. Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-163-3-9/20 od 04.06.2020. godine. Procijenjena vrijednost nabavke je 41.880,34 KM bez PDV-a.

Do krajnjeg roka za dostavu ponuda, na Protokol Tužilaštva – Tužiteljstva zaprimljene su četiri uredno zapečaćene i neotvorene ponude ponuđača: Defter d.o.o. sa ponuđenom cijenom od 36.411,42 KM bez PDV-a, ALF-OM d.o.o. Banja Luka – PJ Istočno Sarajevo sa ponuđenom

cijenom od 41.802,80 KM, Aero Exclusive sa ponuđenom cijenom od 47.895,87 KM bez PDV-a i Printex d.o.o. sa ponuđenom cijenom od 41.300,00 KM bez PDV-a.

Kriterij za ocjenu ponuda je „najniža cijena“ tehnički zadovoljavajuće ponude.

Primjenjujući kriterij najniže cijene, a nakon provedene e-aukcije, Ugovorni organ je donio Odluku o izboru najpovoljnijeg ponuđača broj A-207/20 od 07.07.2020. godine, kojom je kao najpovoljniji ponuđač izabran ALF-OM d.o.o. Banja Luka – PJ Istočno Sarajevo. Na navedenu Odluku je uložena žalba od strane ponuđača Defter d.o.o. Sarajevo.

Postupajući po predmetnoj žalbi, URŽ je donio Rješenje broj: JN2-01-07-1-1836-9/20 od 12.08.2020. godine, kojim je usvojena žalba ponuđača Defter d.o.o. Sarajevo, poništena Odluka o izboru najpovoljnijeg ponuđača broj: A-207/20 od 07.07.2020. godine, te je predmetni postupak vraćen ugovornom organu ponovni postupak.

U skladu sa navedenim Rješenjem, Komisija je dana 26.08.2020. godine pristupila nastavku evaluacije ponuda. Uvidom u ponudu ponuđača Printex d.o.o. Sarajevo, Komisija je utvrdila je da je ponuđač u Obrascu za cijenu ponude za sljedeće stavke upisao:

- stavka 13 - naziv uređaja: Canon iP 100, Oznaka: PG/35 crni, u koloni naziv/tip/marka ponuđene robe upisano je RETECH PG 135, a na strani 35. ponude za navedenu stavku ponuđač je ponudio proizvod Canon tinta PGI-35. Ono što je upisano u Obrascu za cijenu ponude i ono što je ponuđeno nije istog proizvođača,
- stavka 14. - naziv uređaja: Canon iP 100, oznaka: CLI -36 Kolor, u koloni naziv/tip/marka ponuđene robe upisano je RETECH CLI 36, a na strani 36. ponude za navedenu stavku ponuđač je ponudio proizvod Canon tinta CLI-36. Ono što je upisano u Obrascu za cijenu ponude i što je ponuđeno nije istog proizvođača, što upućuje da su očita odstupanja naziva/tipa/marke ponuđene robe u odnosu na robu koja je tražena za uređaj Canon iP 100, iako je sadržajem ponude ponuđač naveo da dostavlja original robu, što sve upućuje na protivrječnost i nejasnost sadržaja predmetne ponude.

U daljem postupku pregleda i ocjene ponude ponuđača „Printex“ d.o.o. Sarajevo Komisija je utvrdila da ponuda ne ispunjava kriterij nužan za kvalifikaciju, odnosno nudi robu koja odstupa u nazivu/tipu/ marki u odnosu na robu koju je ugovorni organ tražio u tehničkoj specifikaciji, te je ovaj ponuđač isključen iz daljnjeg učešća u postupku nabavke.

Komisija je utvrdila da su ponude ostalih ponuđača prihvatljive i da zadovoljavaju uslove zahtjeva i tehničke specifikacije.

Dana 27.08.2020. godine Komisija je u skladu sa odredbama člana 7. Pravilnika o uslovima i načinu korištenja e-aukcije uputila Zahtjev za ponovno zakazivanje e-aukcije, Agenciji za javne nabavke BiH.

Agencija za javne nabavke je dana 07.09.2020. godine obavjestila Ugovorni organ da je ponovo zakazala termin održavanja e-aukcije za 10.09.2020. godine u 10:00 sati.

Nakon provedene e-aukcije, na kojoj su aktivno učestvovala dva ponuđača, najpovoljniji ponuđač je Defter d.o.o. Sarajevo sa ponuđenom cijenom od 24.000,00 KM bez PDV-a.

Shodno navedenom, članovi Komisije su uputili preporuku glavnom tužiocu Tužilaštva - Tužiteljstva Bosne i Hercegovine donošenje odluke o dodjeli ugovora ponuđaču Defer d.o.o. Sarajevo, čija ponuda u potpunosti ispunjava uslove za nabavku predmetnih usluga.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

 **GLAVNI TUŽILAC
TUŽILAŠTVA - TUŽITELJSTVA BIH**
Gordana Tadić

Gordana Tadić

Dostavljeno:

- Ponuđačima;
- Odjelu za mat.-fin. poslove.